

Bosna i Hercegovina
Federacija Bosne i Hercegovine
KANTON SARAJEVO
OPĆINA VOGOŠĆA
Općinska izborna komisija

Broj: 01-05- 9 / 17
Vogošća, 31.03.2017. godine

Na osnovu člana 5. stav (2) Odluke o raspisivanju izbora za članove Savjeta mjesnih zajednica („Sl. novine Kantona Sarajevo“, broj: 11/2017), Općinska izborna komisija Vogošća je na sjednici održanoj dana 31.03.2017. godine, d o n i j e l a

U P U T S T V O

o rokovima izbornih aktivnosti i postupku provođenja izbora za članove Savjeta mjesnih zajednica Općine Vogošća koji će se održati 14. maja 2017. godine

Član 1.

(1) Općinsko vijeće Vogošća, na sjednici održanoj 02. marta 2017. godine, donijelo je Odluku o raspisivanju izbora za članove Savjeta mjesnih zajednica („Sl. novine Kantona Sarajevo“, broj: 11/2017).

(2) **Izbori su zakazani za 14. maj 2017. godine (nedjelja) i održat će se u vremenu od 08,00 do 18,00 sati u svim mjesnim zajednicama na području Općine Vogošća.**

Općinska izborna komisija Vogošća /u daljem tekstu OIK Vogošća/ će objaviti lokacije biračkih mjesta najkasnije 7 /sedam/ dana prije dana održavanja izbora.

Član 2.

(1) Rokovi teku od 31. marta 2017. godine (petak).

(2) Podnošenje pojedinačnih kandidatura i kandidatskih listi za članove Savjeta mjesnih zajednica Općine Vogošća, završava **zaključno sa danom 14. april 2017. godine (petak), do 16,00 sati;**

/nosioci aktivnosti: građani/pojedinci, grupe građana (3 ili više građana), političke partije koje imaju općinske odbore na području Općine Vogošća/

PRIJEDLOZI SE PODNOSE NEPOSREDNO OIK VOGOŠĆA U SJEDIŠTU, ul. Jošanička br. 80, ZGRADA OPĆINE VOGOŠĆA, SVAKIM RADNIM DANOM OD PONEĐJELJKA DO PETKA, OD 08,00 DO 16,00 SATI;

(3) Provjera ispunjavanja uslova propisanih članom 10. stav (2) Odluke o raspisivanju izbora za članove Savjeta mjesnih zajednica, za svakog predloženog kandidata za člana Savjeta, kao i provjera potpisnika potrebne podrške građana;

/nosilac aktivnosti: Centar za birački spisak u Službi za opću upravu Općine Vogošća/

Rok za provođenje ove aktivnosti: od 17. do 18. aprila 2017. godine;

- (4) Utvrđivanje konačne liste kandidata za članove Savjeta mjesnih zajednica Općine Vogošća za svaku mjesnu zajednicu;
/nadležnost OIK Vogošća/
Rok za provođenje ove aktivnosti: 26. april 2017. godine;
- (5) Žrijebanje za utvrđivanje redosljeda kandidata, odnosno kandidatskih listi na glasačkom listiću, za svaku mjesnu zajednicu. Rezultati žrijebanja će se direktno primjeniti u postupku dodjele pozicija u biračkim odborima.
/nadležnost OIK Vogošća/

ŽRIJEBANJE ĆE BITI ODRŽANO DANA 26. APRILA 2017. GODINE (SRIJEDA) U VELIKOJ SALI OPĆINE VOGOŠĆA, SA POĀETKOM U 10,00 SATI, A ISTOM MOGU PRISUSTVOVATI SVI PREDLAGAĀI ĀIJE SU KANDIDATURE, ODNOSNO KANDIDATSKE LISTE POTVRĐENE RJEŠENJEM OIK VOGOŠĆA.

OIK Vogošća neće upućivati pojedinačne pozive za žrijeb, niti će dostavljati rezultate postupka žrijebanja sudionicima izbornog procesa, ali se rezultati mogu preuzeti neposredno kod OIK Vogošća, ODMAH po završetku žrijebanja, ili naknadno, a isti će bez odgađanja biti objavljeni na web stranici Općine Vogošća, odnosno na linku OIK Vogošća.

- (6) **Od 26. aprila 2017. godine** teče rok za dostavljanje prijedloga članova i zamjenika članova biračkih odbora i mobilnog/ih tima/timova. Svaki subjekt koji učestvuje na izborima u biračke odbore ima pravo predložiti članove i zamjenike članova biračkih odbora, shodno broju biračkih mjesta i pripadajućih pozicija, utvrđenim postupkom žrijebanja iz tačke (5). Za članove i zamjenike članova biračkih odbora i mobilnog tima, mogu se predložiti lica upisana u birački spisak za Općinu Vogošća, s tim da je neophodno da imaju najmanje srednju stručnu spremu i da se nalaze na biračkom spisku za mjesnu zajednicu za koju se predlažu u birački odbor, a poželjno je da imaju iskustvo u radu u biračkim odborima.
Ne može se predložiti lice koje je kandidat na ovim izborima ili akreditovani posmatrač. OIK Vogošća neće upućivati pojedinačne pozive za predlaganje članova i zamjenika članova biračkih odbora i mobilnog tima. Eventualno nedostajuće ili neodgovarajuće članove biračkih odbora i njihove zamjenike imenovaće OIK Vogošća iz evidencije rezervnih članova OIK Vogošća.

PRIJEDLOZI ZA ĀLANOVE I ZAMJENIKE ĀLANOVA BIRAĀKIH ODBORA SE DOSTAVLJAJU NEPOSREDNO U SJEDIŠTU OIK VOGOŠĆA, ZAKLJUĀNO SA DANOM 28. APRIL 2017. GODINE (PETAK) DO 16,00 SATI.

SLIJEDI VIKEND I DVA NERADNA DANA 1. i 2. MAJ U POVODU PRAZNIKA RADA.

- (7) Imenovanje biračkih odbora i obuka biračkih odbora, **od 03. maja do 12. maja 2017. godine;**
/nadležnost OIK Vogošća/
- (8) Akreditovanje posmatraĀa vrši OIK Vogošća najkasnije 5 /pet/ dana prije dana održavanja izbora.

- (9) Prijava birača koji usljed starosti, bolesti ili fizičke nesposobnosti, žele glasati u svom domu/kući, **vrši se u periodu od 14. aprila do 26. aprila 2017. godine**, na način da isključivo pravo prijave takvih birača imaju članovi zajedničkog domaćinstva /dokaz kućna lista/, a u slučaju da se radi o samcu, lice koje se skrbi o takvom biraču temeljem Ugovora o doživotnom izdržavanju, po osnovu rješenja nadležne Službe socijalne zaštite, ili ako postoji sličan pravni odnos. Učesnici u izbornom procesu ne mogu predlagati osobe za glasanje putem mobilnog tima. Pored kućne liste, osoba koja vrši prijavu fizički nesposobnog birača za glasanje putem mobilnog tima, dužna je prezentovati i medicinsku dokumentaciju iz koje se vidi nastupanje okolnosti koje onemogućavaju lice da glasa na redovnom biračkom mjestu, kojom prilikom se tom licu daje obrazac izjave koju treba potpisati lično fizički nesposobni birač i istu je prijavitelj dužan vratiti u sjedište OIK Vogošća, koja onda takvo lice uvrštava na izvod iz biračkog spiska za lica koja će glasati putem mobilnog tima u svom domu/kući.
/nadležnost OIK Vogošća i Centar za birački spisak u Službi za opću upravu Općine Vogošća/
- (10) Izborna šutnja počinje 24 sata prije otvaranja biračkih mjesta i traje do zatvaranja biračkih mjesta;
- (11) 13. maj 2017. godine je dan isporuke izbornog materijala prema biračkim odborima;
- (12) Na dan provođenja izbornog procesa 14. maja 2017. godine, biračka mjesta će biti otvorena od 08,00 do 18,00 sati, s tim da su članovi biračkih odbora obavezni biti na biralištima 1 (jedan) sat prije otvaranja biračkih mjesta, a pravo prisustva u tom periodu imaju i akreditovani posmatrači.
- (13) U svemu što nije propisano ovim Uputstvom, OIK Vogošća će primjeniti principe i pravila Izbornog zakona Bosne i Hercegovine, te odredbe podzakonskih akata koji su doneseni na osnovu Izbornog zakona, a naročito Pravilnik o načinu provođenja izbora u Bosni i Hercegovini (Prečišćeni tekst) („Sl. glasnik BiH“, broj: 32/2016), analogno tome će se primjeniti i pravila utvrđena važećim podzakonskim aktima Centralne izborne komisije Bosne i Hercegovine.

**OIK VOGOŠĆA ZADRŽAVA PRAVO IZMJENA I DOPUNA POJEDINI
ODREĐABA OVOG UPUTSTVA, UZ OBAVEZU BLAGOVREMENOG
OBAVJEŠTAVANJA SUDIONIKA IZBORNOG PROCESA.**


PREDSJEDNIK OIK Vogošća
Kemal Kurtalić
Kemal Kurtalić, dipl.pravnik